

Լսումներ իրականացնելու մասին

08.02.2016թ.

ք.Երևան

ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալության պետ Կամո Ադամայանս, ուսումնասիրելով «Պոլիմետ կորպորացիա» հայ-կանադական համատեղ ձեռնարկություն սահմանափակ պատասխանատվությամբ ընկերության (այսուհետ՝ Ընկերություն) գործադիր մարմնի ղեկավարի փոփոխության մասին 2016 թվականի փետրվարի 5-ին ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալություն մուտքագրված հայտատու Ընկերության լիազորված անձ Հովհաննես Մաթևոսյանի դիմումը և կից փաստաթղթերը, ինչպես նաև Ընկերության գլխավոր տնօրեն Իշխան Հովհաննիսյանի 2016 թվականի փետրվարի 8-ի ՀՀ իրավաբանական անձանց պետական ռեգիստրի գործակալության պետին ուղղված դիմումը.

ՊԱՐԶԵՑԻ

2015 թվականի փետրվարի 5-ին հայտատու Ընկերության լիազորված անձ Հովհաննես Մաթևոսյանի կողմից փաստաթղթային կրիչով դիմում է մուտքագրվել ՀՀ իրավաբանական անձանց պետական ռեգիստրի գործակալություն՝ Ընկերության գործադիր մարմնի ղեկավարի փոփոխության պետական գրանցման համար, ներկայացնելով «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների, անհատ ձեռնարկատերերի հաշվառման մասին» Հայաստանի Հանրապետության օրենքի (այսուհետ՝ օրենք) 39-րդ հոդվածի 3-րդ մասով նախատեսված փաստաթղթերը:

2015 թվականի փետրվարի 8-ին Ընկերության գլխավոր տնօրեն Իշխան Հովհաննիսյանի կողմից դիմում է ներկայացվել Գործակալություն՝ նշելով այն հանգամանքը, որ «Վահագն Ժայռենց Գայայանի կողմից անցկացվել է ընկերության մասնակիցների արտահերթ ընդհանուր ժողով, որի օրակարգի վերաբերյալ չի ծանուցվել ընկերության մասնակից «ՍՏԻՄՈՒԼ» սահմանափակ պատասխանատվությամբ ընկերությունը՝ խնդրելով այսուհետ Վահագն Ժայռենց Գայայանի կամ այլ անձի կողմից որևէ ժողովի արձանագրություն ներկայացնելու դեպքում ձեռնպահ մնալ որևէ պետական գրանցում կատարելուց (մասնավորապես, գործադիր մարմնի ղեկավարի փոփոխություն), միաժամանակ տեղեկացնելով, որ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարանում քննվում է քաղաքացիական գործ ժողովի որոշումն անվավեր ճանաչելու և ընկերության մասնակցին ընկերությունից հեռացնելու պահանջի մասին»:

Համաձայն օրենքի 20-րդ հոդվածի 24-րդ մասի՝ «որեւ անձի գրավոր դիմումի առկայության դեպքում, որի համաձայն գրանցման ներկայացված փաստաթղթերում զետեղված փաստերը

չեն համապատասխանում իրականությանը, գրանցումը մերժելու ակնհայտ հիմքերի բացակայության դեպքում պարտադիր իրականացվում են լսումներ կամ գրավոր ընթացակարգ»:

Տվյալ դեպքում գտնում եմ, որ լսումների միջոցով ենթակա է պարզաբանման հետևյալ փաստը.

- արդյո՞ք պահպանվել է 09.12.2015թ. Ընկերության արտահերթ ընդհանուր ժողովի հրավիրման օրենքով և ընկերության կանոնադրությամբ սահմանված կարգը.

Ելնելով վերոգրյալից, և ղեկավարվելով օրենքի 20-րդ հոդվածի 2-րդ, 5-րդ, 7-րդ, 23-րդ և 24-րդ մասերով.

ՈՐՈՇԵՑԻ

1. Իրականացնել լսումներ՝ կապված Ընկերության գործադիր մարմնի ղեկավարի փոփոխության պետական գրանցման հետ, պարզելու համար արդյո՞ք պահպանվել է 09.12.2015թ. Ընկերության արտահերթ ընդհանուր ժողովի հրավիրման օրենքով և ընկերության կանոնադրությամբ սահմանված կարգը.

2. Ընկերության գործադիր մարմնի ղեկավարի փոփոխությամբ պայմանավորված պետական գրանցման (2016 թվականի փետրվարի 5-ի դիմումի հիմքով հարուցված վարչական վարույթի) ժամկետի ընթացքը կասեցնել 20 օրով:

3. Լսումների իրականացումը հանձնարարել Գործակալության գրանցման բաժնի պետ Արմեն Առաքելյանին:

4. Լսումների 1-ին (առաջին) նիստը նշանակել 2016 թվականի փետրվարի 15-ին, ք. Երևան, Կոմիտաս 49/3 հասցեում, ժամը 11:30-ին:

5. Որոշման մասին ծանուցել լսումների մասնակիցներին՝ պետական գրանցման համար դիմած հայտատու Հովհաննես Մաթևոսյանին, Ընկերության գլխավոր տնօրեն Իշխան Հովհաննիսյանին:

6. Որոշումը հրապարակել Հայաստանի Հանրապետության հրապարակային ծանուցումների պաշտոնական ինտերնետային կայքում:

 ԿԱՄՈ ԱԴԱՄՅԱՆ